

**CLASS DALATHORYON – BEGINNERS CLASS
ASTELL WYDN – WHITEBOARD**

De Lun an unegves mis Ebrel
Monday the eleventh of April

Yma Peternel ow trùssa sagh kyns mos dhe'n scol. Nyns yw an chy kempen mèn. Cales yw cafos oll an taclow. Yma an skyjyow sport i'n chambour adrëv an daras. Yma an lyver *Jane Eyre* in dadn an gwely. Yma Peternel ow mos der an chy rag cafos an taclow erel. Yma an pad paper i'n esedhva – wàr an leur dhyrag an bellwolok. Yma Peternel ow mos dres an hel. Yma an restryn Sowsnek i'n gegyn wàr an bord. Yma an bluven i'n trog tedna in mesk an daffar lybm. Yma Peternel ow kemeres kysten plastyk (or blastyk) dhywar an estyllen a-ugh an new, rag don ly vian. Dâ yw keus gensy pùb termyn. In mes a'n yéyner yma hy ow kemeres try darn bara, ha keus, ha dew aval dhodho. Yma hy ow tòwys sùgan lus rudh rag eva gans an ly. Peternel yw parys wosa hedna dhe dallath tro ha'n scol. Dhia'n chy bys i'n scol yma hy ow kerdhes ogas ha udn vildir.

VOCABULARY

trùssa *v* pack

kempen *adj* neat, tidy

taclow *plural of tra* thing

skyjyow sport = **eskyjyow sport** trainers (the e- is frequently dropped)

chambour *m* bedroom

aral *adj* other – this is the only adjective to have a special plural form: **erel**

pad paper *m* pad of paper

esedhva *f* sitting-room, lounge

hel *m* hall (not to be confused with adjective **hel** ‘generous’)

restryn *m* file (for documents etc)

kegyn *f* kitchen

bord *m* table (this word is much more common than **moos** ‘table’)

trog tedna *m* drawer (literally, ‘pull-box’)

daffar lybm *m* cutlery (literally, ‘sharp equipment’)

kysten *f* small box, small container (compare bigger **kyst**, **trog** ‘box, container’)

plastyk *m* plastic

estyllen *f* shelf

new *f* sink

yéyner *m* fridge (compare **yéyn** ‘cold’)

darn *m* piece [of]

dòwys *v* choose

sùgan lus rudh *m* cranberry juice (compare **lus** ‘blueberries’)

parys *adj* ready

dallath *v* begin, start

tro ha *preposition phrase* towards (literally, ‘turn with’)

ogas ha *preposition phrase + noun or numeral* almost (literally, ‘near with’)

mildir *f* mile

PREPOSITIONS

These are words that show position or relationship. Here are the most common prepositions. Don't try to learn them all at once. Keep the table for reference, learn them little by little.

a² of (not possession)
adrëv behind
adro dhe² about
a-ugh above
bys until
dhe² to, at (clock time)
dhia² from (place or time)
dhýrag in front of
dhywar² off
dhyworth or dhort from (person or place)
dre² through (usually **der** before vowel)
dres across, past
gans or gen with, by (agent)

ha with (attribute, circumstance)
heb without
in in, into
in dadn² under
in mes a² out of
inter between
kyns or kyns ès before
orth or worth up against
rag for (with verb-noun 'in order to')
ryb beside
saw except
wàr² on, on to
wosa or woja after (time)